

ზოგადსაგანმანათლებლო დაწესებულებების ავტორიზაციის საბჭოს
სხდომის ოქმი № 13

ქ. თბილისი

09.09.2019

ზოგადსაგანმანათლებლო დაწესებულებების ავტორიზაციის საბჭოს სხდომას ესწრებოდნენ:

1. ზოგადსაგანმანათლებლო დაწესებულებების ავტორიზაციის საბჭოს (შემდგომში - საბჭო) წევრები:
 1. დავით მალაზონია - შპს „თანამედროვე განათლების აკადემიის“ მასწავლებელი, საბჭოს თავმჯდომარე;
 2. გიორგი გიგიშვილია - ა(ა)იპ - ფონდ საერთაშორისო განათლების ცენტრის პროგრამების მენეჯერი, საბჭოს თავმჯდომარის მოადგილე;
 3. თამილა ჩუბინიძე - სსიპ - ალექსანდრე ცინცაძის სახელობის ქალაქ თბილისის N150 საჯარო სკოლის დირექტორის მოადგილე, მასწავლებელი, საბჭოს მდივანი;
 4. მაკა მამუკორია - შპს „ლამარა მარგველაშვილის სახელობის სკოლა XXI საუკუნის“ მასწავლებელი;
 5. დავით ჭერიშვილი - სსიპ - ვაჟა ფშაველას სახელობის ქალაქ თბილისის N 87 საჯარო სკოლის დირექტორი;
 6. გელა მაჭარაშვილი - სსიპ საჩხერის მუნიციპალიტეტის სოფელ კორბოულის N 2 საჯარო სკოლის დირექტორი;
 7. თამარ მამსიკაშვილი - სსიპ თბილისის N 64 საჯარო სკოლის დირექტორი;
 8. ნინო ჯანჯლავა - ა(ა)იპ წმინდა ალექსი შუშანიას სახელობის მართლმადიდებლური სკოლა - გიმნაზიის დირექტორი;
 9. ავთანდილ აბდუშელიშვილი - შპს „დამოუკიდებელი საერთო გიმნაზია შავნაბადას“ დირექტორი.

2. სსიპ - განათლების ხარისხის განვითარების ეროვნული ცენტრის (შემდგომში - ცენტრი) წარმომადგენლები:

ნინო ფეტვიაშვილი - ზოგადი განათლების ხარისხის უზრუნველყოფის სამსახურის უფროსი;
ნინო ქვანია - ზოგადი განათლების ხარისხის უზრუნველყოფის სამსახურის კოორდინატორი;

ლალი შაიშმელაშვილი - ზოგადი განათლების ხარისხის უზრუნველყოფის სამსახურის კონსულტანტი;

მზია ყანჩელი - ზოგადი განათლების ხარისხის უზრუნველყოფის სამსახურის სპეციალისტი;

რამაზ გიურაშვილი - ზოგადი განათლების ხარისხის უზრუნველყოფის სამსახურის სპეციალისტი;

ნათია მჭედლიძე - ზოგადი განათლების ხარისხის უზრუნველყოფის სამსახურის ანალიტიკოსი.

3. ზოგადსაგანმანათლებლო დაწესებულების წარმომადგენლები:

შპს წმიდა გიორგის სახელობის საერთაშორისო სკოლა

გრიგოლ ბულია - სკოლის აკადემიური დირექტორი

მაკა მახარობლიძე-სკოლის დირექტორი

4. ზოგადსაგანმანათლებლო დაწესებულების ავტორიზაციის ექსპერტები (შემდგომში - ექსპერტები):

ქეთევან ბოტკოველი

მარინა სეხნიაშვილი

საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანებით
დამტკიცებული „საგანმანათლებლო დაწესებულებების ავტორიზაციის დებულების“ 22-ე მუხლის
მე-4 პუნქტის შესაბამისად, ზოგადსაგანმანათლებლო დაწესებულებების ავტორიზაციის საბჭოს
სხდომას წარუდღვა საბჭოს თავმჯდომარე დავით მალაზონია.

2

სხდომა გაიხსნა 16:10 საათზე. საბჭოს თავმჯდომარემ შეამოწმა საბჭოს წევრთა რაოდენობა და დაადგინა, რომ საქართველოს განათლებისა და მეცნიერების მინისტრის 2010 წლის 1 ოქტომბრის №99/6 ბრძანებით დამტკიცებული „საგანმანათლებლო დაწესებულებების ავტორიზაციის დებულების“ 22-ე მუხლის მე-5 პუნქტის შესაბამისად, სხდომა უფლებამოსილია, რაღაც ესწრება საბჭოს წევრთა სიითი შემადგენლობის ნახევარზე მეტი.

საბჭოს თავმჯდომარემ საბჭოს წევრებს მიუთითა დებულების 24-ე მუხლის მე-2 პუნქტის მოთხოვნაზე, რომლის მიხედვითაც, საბჭოს წევრი არ არის უფლებამოსილი თავი შეიკავოს ხმის მიცემისაგან.

სხდომის თავმჯდომარემ საბჭოს წევრებს გააკრო დოის წესრიგი:

1. შპს წმიდა გიორგის სახელობის საერთაშორისო სკოლისათვის მოსწავლეთა ადგილების ზღვრული რაოდენობის გაზრდის საკითხის განხილვა

საბჭოს თავმჯდომარემ საბჭოს წევრებს, ცენტრის წარმომადგენლებსა და დაინტერესებულ მხარეებს მიმართა, დღის წესრიგთან დაკავშირებით ხომ არ ჰქონდათ რაიმე შუამდგომლობა. შუამდგომლობა არ ყოფილა წარმოდგენილი. საბჭომ ერთხმად დაამტკიცა სხდომის დღის წესრიგი.

- შპს წმიდა გიორგის სახელობის საერთაშორისო სკოლისათვის მოსწავლეთა ადგილების ზღვრული რაოდენობის გაზრდის საკითხის განხილვა

საბჭოს თავმჯდომარემ დაწესებულების წარმომადგენლებს მიმართა, ხომ არ ჰქონდათ საბჭოს წევრების მიმართ აცილება. დაწესებულების წარმომადგენლებმა დაადასტურეს, რომ საბჭოს წევრების მიმართ აცილება არ ჰქონდათ.

საბჭოს თავმჯდომარემ მიმართა საბჭოს წევრებს, დაედასტურებინათ, რომ იცნობდნენ ავტორიზაციის ექსპერტთა ჯგუფის დასკვნას. საბჭოს წევრებმა დაადასტურეს, რომ იცნობდნენ საქმის მასალებს. საბჭოს თავმჯდომარემ ჰკითხა დაინტერესებული მხარის წარმომადგენელს, იცნობდა, თუ არა ავტორიზაციის ექსპერტთა ჯგუფის დასკვნას. წარმომადგენელმა დაადასტურა, რომ იცნობდა დასკვნას. შესაბამისად, საბჭოს თავმჯდომარემ სხდომის მდივანს სთხოვა, რომ ექსპერტთა ჯგუფის დასკვნა დაერთო ოქმისთვის, როგორც მისი განუყოფელი ნაწილი.

საბჭოს თავმჯდომარემ სხდომაზე დამსწრე საზოგადოებას განუმარტა, რომ აღნიშნული ზოგადსაგანმანათლებლო დაწესებულების მოსწავლეთა ზღვრული რაოდენობის გაზრდის საკითხის ხელახალი განხილვა მიმდინარეობდა, რადგან 2019 წლის 22 აგვისტოს საბჭოს სხდომაზე

დაწესებულებას არ ჰქონდა წარმოდგენილი ახლად აშენებული კორპუსის, მერიის მიერ ექსპლოატაციაში მიღების დოკუმენტი. მან განმარტა, რომ საკითხის გადადება მოხდა საბჭოს შუამდგომლობით, დაწესებულების მიერ მერიის ზედამხედველობის სამსახურიდან პასუხის წარმოდგენამდე. დაწესებულებამ მოგვიანებით ცენტრს მიმართა, რომ აღნიშნული საბუთის გაცემას მოსალოდნელზე მეტი დრო დაჭირდა, ამიტომ ითხოვეს საბჭოს სხდომის სასწავლო წლის დაწყებამდე დანიშვნა.

სკოლის წარმომადგენლებმა შუამდგომლობა დააყენეს განეხილათ დაწესებულებისათვის მოსწავლეთა ადგილების ზღვრული რაოდენობის 200-ით გაზრდის საკითხი, რადგან მათ ჰქონდათ ყველანაირი რესურსი ძველ შენობაში განეთავსებინათ ისინი. მათ განმარტეს, რომ სკოლას ჰქონდა დამატებითი საკლასო ოთახები, ასევე თითო არსებულ კლასში ჰქონდათ შესაძლებლობა მოსწავლეთა რაოდენობის გაზრდის.

აღნიშნული ერთხმად დაადასტურეს ექსპერტთა ჯგუფის წევრებმა.

თავმჯდომარემ კენჭისყრაზე დააყენა შპს წმიდა გიორგის სახელობის საერთაშორისო სკოლისათვის მოსწავლეთა ადგილების ზღვრული რაოდენობის 1000 - ით განსაზღვრის საკითხი.

კენჭისყრის შედეგები:

მომხრე - 9

წინააღმდეგი - 0

გადაწყვეტილება:

საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ 33-ე მუხლის პირველი პუნქტის, ამავე მუხლის მეორე პუნქტის „ბ“ ქვეპუნქტის, 33¹ მუხლის მესამე პუნქტისა და 34-ე მუხლის მე-9 პუნქტის შესაბამისად, შპს წმიდა გიორგის სახელობის საერთაშორისო სკოლას (ს/კ: 404510739) მოსწავლეთა ადგილების ზღვრული რაოდენობა განსაზღვროს 1000-ით.

რ. გ. გ. მ. ე. ბ. რ.

დღის წესრიგით გათვალისწინებული საკითხის განხილვის შემდეგ, 16:30 საათზე, სხდომა
დახურულად გამოცხადდა.

თავმჯდომარე

დავით მალაზონია

მდივანი

თამილა ჩუბინიძე